

Hamasei lagun atxilotu ditu Goardia Zibilak Bizkaiko zazpi herritan

Atxilotuetako bat Basurtuko ospitalera eraman zuten shock egoeran

Goardia Zibilak hamasei pertsona atxilotu ditu bart goizaldean Bizkaia eta Gipuzkoan hedapen handiko ekimen poliziala dirudien batean. Daniel Vega Bizkaiko gobernadore zibilak Bizkaia komandoko liberatuak izatea leporatu die Juan Ramon Rojo eta Kepa Urrari aretxabaletarrari.

BILBO

Gainontzeko hamalauak komando horretako laguntzaileak izango lirateke Vegaren esanetan. Rojo eta Urra Madrilera eraman zituzten bitartean, gainontzekoek La Salveko koartelean segiten dute. Gobernu Zibilak jakin erazi duenez, arma eta materialeak eskuratu zuten operazioan.

Atxilotuetako bat Basurtuko ospitalera eraman behar izan zuten eta premiazko zerbitzuan ingesatu zuten shock egoeran, Bilboko ospitaleko iturrietan EGUNKARIAK egiaztatu zuenez. Atxilotutakoak kolpe seinalak zituen eta shock egoera zegoen, hitzegin ezinik eta izena ere gogoratzen ez zuela. Goardia Zibilak ez zuen izena erregistratu eta bere nortasunaren berririk ez zegoen atzo arratsaldean. Hogeitamar urte inguruko gizon bat da, beltzarana, bizarduna eta sudur luze samarrekoa da. Sueroa injektatu behar izan zitzaion.

Atxilotetak goizeko bost t'erdietan hasi ziren Santurtzin Goardia Zibilaren talde handi batek atea lehergailuz jaurtiki eta Josu Eguzkiza eta Enkarni Blanco eraman zituztenean, AABBeko iturrien arabera. Ordu t'erdia beranduago Iñaki Bereziartua hartu zuten preso Bilbo Zaharrean eta Jose Maria Aranzamendi -HBko eskualde batzordeko kidea- Elorrion. Ordu berean atxilotu zituzten Gernikan Imanol Elorriaga eta, Jon Arriaga eta Itsaso Sevillano senar-emazteak ere. Sevillano andrea, jatorriz iruindarra, zazpi hila-beteko haurdunaldian dago. Bederatzieta Jabi Arriaga, Txiplas bertsolari ezaguna, eta bere kidea den Itziar Amezaga atxilotu zituzten lehena lantokian eta bigarrena Erri-goitin. Herri honetan AEK-k duen barnetegia ere miatu zuten indar polizialek.

Gainontzeko detentatuak, honako hauek lirateke AABBen informazioen arabera: Santurtziko Aitor Olabarria eta Francisco Palacios, Gurutzetako Pedro Luis Cacigal eta Basauriko Paula Garcia eta Juanxto Tobalina senar-emazteak.

Atxilotutako baten amak zorrozki deskribatu du eszena: «Goizaldean sartu dira etxera atariko atea ostika bota ondoren, pilo bat ziren, batzuk paisanoz aurpegia estalita eta besteak goardia zibilez jantzita. Ohetik atera eta pasiluan eduki gaituzte kaltzontzilotan emakumezko batek



Paula Garcia eta Francisco Palacios argazkian agertzen den Basauriko etxe honetan atxilotu zituzten.

✓ Daniel Vega Bizkaiko gobernadore zibilak Bizkaia komandoko liberatuak izatea leporatu die Juan Ramon Rojo eta Kepa Urrari aretxabaletarrari.

etxe oso osoa miatzen zuen bitartean. Gero eraman dute».

Atxilotetak egiten hasi zirenetik hamabi ordu pasatu zirenean, oraindik ere Goardia Zibileko agenteek miaketak egiten segitzen zuten Bizkaiko zenbait puntutan. Atzo arratsaldean, Uribe Kostan nabarmena zen Goardia Zibilaren patruilen joan-etorriak.

Atzo eguerdian, goardia zibilek La Galea klubaren ondoko baserri bat miatu zuten. Lehenago, Sopelan Rakel Garcia eta Luis Morenoren etxebizitzako atea lurrera bota zuten, baina aipatutakoak ez zeuden etxean.

Miaketa honetan Goardia Zibilaren 14 'nissanek' hartu zuten parte, eta goardia batzuk teiltutetara igo ziren.


ERANTZUN UGARI ATXILOKETEI

Erantzun kontra-jarriak agertu dira atxiloteta hauen ondoren. Horrela, Xabier Atutxa Eusko Jaurlaritzako Barne sailburuak adierazi du hau poluzioa bezalakoa dela. «Poluitzen duenak ordaindu behar zelan edo hala ordaindu behar duela. Gogorkerian aritzen dena lehenago ala beranduago jausi egiten dira justizia eta lan honetan gauden pertsonen eskuetan, kasu hau uste dut nik zorientzekoa eta benetan pozgarri, nahiz eta erabateko soluzioa izan ez, zoritxarrez». Daniel Vegak ere poza azaldu zuen, baina lanari ekin behar diola gaineratu zuen: «Kalean geratzén diren izurgile guztiak atxilotu eta auzitegian jarri arte».

Herri Batasunak, bere aldetik, esan du «horrelako ekintzak ez dira

estalkiak baino, gatazkari bide pake-tuen bidez amaiera emateko estatuen ezintasuna erakusten dutenak». Atutxari galdetu dio «nola txalo daitekeen gaurko ekintza errepre-sioa eta aldi berean pakearen aldeko manifestaziora deitu».

Amnistia-aren Aldeko Batzordeak «atxiloteta hauek sortu duten izu giroa» salatzen dute. «Detentzioetan armamendu ugari erakutsi da, eta aurpegiak estalita eraman bait dituzte poliziek» etxeetara iritsi direnean. Manifestatza- deitu dute detentzioak izan diren herrietan.



EFE

Garzonek ez ditu Amedo eta Dominguez prozesatuko Mon Barreko atentatuagatik

MADRIL

Entzutegi Nazionalako Baltasar Garzon epaileak ez ditu Jose Amedo eta Michel Dominguez poliziak Baionako Mon Barreko atentatuagatik prozesatuko. Lau euskal errefuxiatu hil ziren eta atentatu hau dela eta ireki zen GAL kasuko hirugarren sumarioa. Garzonek hartu duen erabakia- rekin, ordea, sumario hau amaitutzat joko da. Epaileak agindutako ikerketan deklarazio anonimo batzuk agertu ziren, 1987an Frantziako justiziaren aurrean egindakoak. Deklarazio horietan Mon Barreko atentatu-ekin lotzen zituzten Amedo eta Dominguez.

1985eko irailaren 25ean lau per-sona sartu ziren Baionako taberna

horretara eta bertan zeudenak tiroka-tu zituzten. Jose Maria Etxaniz Maiztegi, Agustin Irraznabarrena Urruzola, Jose Etxaide Iburguren eta Iñaki Astianiurzarra Pagola hil ziren, eta Jean Iriarte zauritu.

Fiskalak orain gutxi eskatu zion epaileari sumarioa amaitutzat jo ze-zala GAL auzian zigortuta dauden bi poliziak prozesatu gabe. Garzoni zuzendutako idatzi batean zioenez, Amedo eta Dominguezen kontra egindako deklarazioak ez dira balio-garriak akusatutak auzibidean jar-tzeko, «salatzaileen benetako norta-suna ezagutzera ematen ez den bi-tartean». Amedo eta Dominguezen kontra «susmoak» besterik ez zeude-la esaten zion baita ere fiskalak Gar-zon epaileari.

Egiguren: «HBk Gonzalezi igorri dion gutuna azpijokoa da»

MADRIL

Jesus Egiguren EAEko Legebiltzarreko lehendakariordeak atzo esan zuenez, Herri Batasunak herenegun Felipe Gonzalez Espainiako gober-nuburuari igorri zion gutuna azpijokoa da. Gutun horretan negoziatioari ekiteko une egokia zela adierazi zion Jon Idigoras HBko kideak.

COPE irratia-ri eginiko adierazpenetan, Egigurenek esan zuen ETak ahal duen min handiena egingo duela «hain esanguratsua den urte hone-tan». «Talde terroristak estra-tegia bikoitza du, batetik hil eta bestetik argudio politikoak erabili HBren bidez» esan zuen.

«EAEko alderdi demokra-tikoak» ez daude ETarekin negoziatioatzeko prest Egi-gurenen ustez, politiko eta sozialki isolatzearen alde bai-zik. Halaber, datorren larun-batean Bilbon egingo den ma-nifestazioa bultzatu behar dela esan zuen. «Euskal Herriko herritar gehienak indarkeria-ren aurka daudela erakusteko aukera paregabea izango da» adierazi zuen, baina manifes-taziora jende asko joan arren egoera ez dela aldatuko uste du PSE-PSOeko parlamentariak, «ETak erabiltzen dituen ar-gudioak aldaezinak direlako».

ERNE MANIFESTAZIOAREN ALDE

«Ba-kean bizi-tzeko garaia da» lemarekin Bilbon egingo den manifesta-zioan parte hartzeko dei egin zuen orobat Ertzaintzako ER-NE sindikatuak. Prentsa ohar baten bidez ERNEk jakin erazi du horrelako ekintzak bakea-ren aldeko kontzientzia so-ziala zabaltzen dutela, eta mo-ta horretako ekintza guztiak bultzatu behar direla.

IRTETEKO BAIMENA BERRIRO AMEDORI

Entzutegi Nazionalak Guadalajara-

ko gartzelatik irteteko beste baimen bat eman dio Jose Amedo Jose Amedori. Bizkar hezurretik operatu dezaten eman zaiola baimena azaldu zuten atzo iturri juridikoek. Datozen egunotan operatuko dute Amedo eta osatu bitartean izango du gartzelatik kanpo egoteko baimena.

Hil honen 13an beste baimen bat izan zuen polizi subkomisarioak me-diku baten kontsulta partikularrera joateko, harek esan zion operatu beharra zuela. Orain izango duena- rekin, lau dira joan den irailean gar-tzeleratu zutenetik Amedori irteteko ematen zaizkion baimenak.